



#### Robani – Roslinda Bolot Anugerah Berganda



Robani dan Roslinda bersama piala dan replika cek selepas majlis anugerah sukan.

**PUTRAJAYA, 9 April** – Mohd Robani Hassan dan Roslinda Samsu membolot anugerah sukan Olahragawan dan Olahragawati Universiti Putra Malaysia (UPM) ke-26 baru-baru ini.

Robani dan Roslinda turut menerima anugerah sukan Olahragawan dan Olahragawati Majlis Sukan Universiti Malaysia (MASUM) 2008 di Universiti Malaysia Pahang (UMP) pada 4 April yang lalu.

Robani merupakan atlet 110 meter lompat berpagar dan pelajar tahun akhir Bachelor Ekonomi Fakulti Ekonomi dan Pengurusan manakala Roslinda Samsu ialah atlet lompat bergalah dan pelajar tahun tiga Bachelor Pendidikan (Pendidikan Jasmani) Fakulti Pengajian Pendidikan UPM.

Dalam anugerah itu Robani dan Roslinda menerima wang tunai RM1,000, piala, jam tangan, sijil, dan blazer penghargaan UPM.

Robani berkata beliau bersyukur menerima dua anugerah dalam masa seminggu selepas menerima anugerah sukan MASUM pada minggu lepas dan akan menjadikan penganugerahan tersebut sebagai suntikan untuk maju pada masa depan.

Roslinda yang ditemui berkata beliau gembira kerana menerima anugerah yang sama selepas dinobatkan sebagai Olahragawati MASUM dan mengucapkan terima kasih kepada UPM kerana banyak membantu dan memberi sokongan kepadanya.

Majlis yang berlangsung di Hotel Marriott Putrajaya turut menyaksikan pelajar tahun satu Bachelor Sains Pembangunan Sumber Manusia Fakulti Ekologi Manusia dan merupakan atlet hoki negara, Tengku Ahmad Tajuddin Tengku Abdul Jalil dianugerahkan Olahragawan Harapan UPM.

Pelajar tahun dua Bachelor Komunikasi Fakulti Bahasa Moden dan Komunikasi, Nur Syakirah Yeoh atlet negara dalam acara tenpin bowling pula dinobatkan sebagai Olahragawati harapan 2008.

Selain itu anugerah Pengurus Cemerlang diberikan kepada Mohd Firdaus Abdullah (Bola Keranjang Lelaki) dan anugerah Jurulatih Cemerlang kepada Wan Zaharuddin Wan Abdullah (Hoki Wanita), masing-masing membawa pulang seutas jam tangan dan sijil.

Anugerah Pasukan Cemerlang Lelaki dan Wanita pula dimenangi oleh pasukan Bola Keranjang Lelaki dan Hoki Wanita sementara itu Anugerah Khas diberikan kepada Chai Fong Ying (wushu), Leong Mun Yee (Terjun) dan Nornasreena Nazruddin (Menembak Wanita).

Seramai 38 atlet pelajar UPM menerima Anugerah Putra Cemerlang (APC) UPM 2008 iaitu Muhamad Syafiq Ridhwan Abdul Malek (Tenpin Bowling), Beh Shun Thing (Bola Tampar), Mohd Zafri Mohd. Zulfaini, Azizah Ibrahim (Olahraga), Nornasreeni Abdullah, Mohd. Firdaus Isa, Mohd Kaharuddin Ashah (Memanah), Siti Sarah Bujang dan Iswari Manokharan (Bola Tampar Pantai).

Lain-lain penerima APC ialah Intan Nurairah Ahmad Khushaini, Bajjit Singh Sarjab Singh, Siti Sarah Nurfarahah Ismail, Graig Joseph Fernandez, Nabil Fiqri Mohd. Noor, Muhammad Faisal Kamaruddin, Mohd. Razali Mohd. Zulkifli, Ahmad Kazamirul Nasruddin, Muhammad Hafiz Zakaria, Mohd. Nor Affazly Abdul Gaffar, Mohamed Sukri Abdul Mutalib, Chitra Devi Arunugam, Nadia Abdul Rahman, Norafidah Mohd Taib, Ibyhasnorbayani Ali @ Ibrahim, Khairunnissah Kamaruzaman dan Nur Syahidah Mohd. Suhaini (Hoki).

Pemenang lain APC ialah Mohd. Izwan Mohd. Hshammudin, Mohd. Jironi Riduan, Mohd. Latif Nyat, Shahadan Jamaludin, Muhd. Muslim Sidek, Jad Adrian Washif, Ahmad Najwan Aqra Hassaim, Ahmad Firdaus Salim, Muhamad Zaiful Zainal Abidin, Norjannah Nafizah dan Norrohida Baidawi (Olahraga).

Naib Canselor UPM, Prof. Datuk Dr. Nik Mustapha R. Abdullah berkata anugerah itu merupakan penghargaan terhadap sumbangan atlet yang telah menaikkan nama UPM dan negara.

Majlis itu turut diserikan dengan kehadiran Pemain Bola Sepak Legenda Malaysia, Datuk Soh Chin Aun.



Prof. Datuk Dr. Nik Mustapha R. Abdullah bergambar bersama pemenang anugerah dan Datuk Soh Chin Aun (duduk lima dari kanan).

Disediakan oleh Seksyen Media dan Publisiti, Bahagian Komunikasi Korporat, UPM.